

Tiara Air a haya suspension di pago definitivo

ORANJESTAD — Tiara Air a haya suspension di pago definitivo pa un luna. Bon Dia Aruba a haya confirmacion di esaki for di abogado Eugene Martis, cu ta e bewindvoerder apunta dor di hues pa e compania di aviacion.

Ayera a tuma luga un reunion entre Tiara Air, su creditornan y hues. Tur e creditornan a bay di acuerdo pa duna Tiara Air un luna pa asina yega na un manera pa gana placa y na un respuesta pa loke ta si lo por paga creditornan a lo menos parti di nan placa bek. Pa por yega na e votacion di ayera, a lo menos un mayoria di e creditornan di Tiara Air mester a bay di acuerdo.

Segun Martis, e voto pa duna e aerolinea local un luna pa drecha su cuenta tabata unanime. Mester bisa tambe cu e reunion di ayera tabata un momento 'do or die' pa Tiara Air. Si acaso creditornan lo no a bay di acuerdo, bancarota lo tabata inevitabel pa e aerolinea. Bon Dia Aruba a publica ayera cu minister Otmar Oduber di Turismo y Transporte a declara den palabranan cla cu gobierno ni Aruba Tourism Authority (ATA) lo yuda Tiara un biaha mas cu un inyeccion di placa. Na november ultimo, parlamento a aproba pa duna Tiara alrededor di un miyon dollar pa e compania por keda opera un siman largo. Desde e momento ey,

trahadonan a keda sin haya paga pa cierto lunanan. Tin di nan a kita di trabou, entre otro tambe managernan locual a conduci cu e siman aki a suspende nan permiso pa bula temporalmente. Aworaki, Tiara Air ta bulando atrobe, pero bou cierto condicionnan.

Extension si suspension

Diferencia entre e suspension aki y esun cu a wordo duna tres luna pasa ta cu hues tabata esun cu a duna e suspension biaha pasa y cu e suspension ey tabatin un caracter temporario. Loke ta un aspecto particular tambe na e suspension aki ta cu e por wordo extendi ariba iniciativa di bewindvoerder, cu aprobacion di hues. Un extension lo no por ta pa mas

cu Tiara Air te ainda tin pega na Venezuela lo no pasa den termino corto, Martis ta tuma cuenta caba cu lo bay mester extende a lo menos un biaha mas.

Pero esaki sigur no ta e plan, segun e abogado. Fuera di esey, si ta nota cu Tiara Air no por genera placa mas, lo bay mester declara e compania di aviacion bancarota toch. Con pa yega na un situacion na unda Tiara ta gana placa, ta haya e placa ey tambe, y por sobrevivir ta na Alejandro Muyale, propietario di e aerolinea. Bon Dia Aruba a purba tuma contacto cun'e pero a ripara cu su celular tabata paga.

Inversionista nobo

Segun Martis, un factor hopi importante den decision



cu un luna y e limite ta na un aña y mey. Mirando cu tin tur indicacion cu e suma di alrededor 25 miyon dollar

di e creditornan pa duna Tiara Air un chens mas ta cu Muyale, a duna di conoce cu e ta negociando awo cu un



inversionista nobo. Martis no kier divulga ken e accionista aki ta, pero e ta confirma cu ta trata di un persona di pafo di Aruba. Cu esaki ta cumpli cu a lo menos un meta cu e compania di aviacion local a pone su dilanti tres luna ora hues a duna suspension temporario.

E otro meta, esta diversifica e rutan di Tiara Air pa asina por bira menos dependiente di mercado Venezolano (80 por ciento di e negoshi di Tiara Air ta cu Venezuela), no a logra. "Mester tuma cuenta cu pa habri otro rutan, mester inverti hopi placa. Por ehempel, si bo cuminsa bula pa Brazil e ora bo mester habri un oficina eynan tambe pa cuminsa. Y Tiara no tin e placa ey pasobra e ta na Venezuela ainda", asina

Martis ta splica.

PDR ta pidi reunion

Mientras tanto, Andin Bikker, lider di Partido Democracia Real a duna di conoce durante su conferencia semanal cu su partido ta bay pidi un reunion urgente di Parlamento e siman aki mes, pa asina haya sa di gobierno kico ta e pasonan specifico cu lo bay tuma pa yuda entre otro trahadonan di Tiara Air. PDR a sugeri den pasado entre otro pa gobierno para garantia y pa Tiara emiti shares pa asina por haya placa en efectivo. Tambe Bikker kier haya sa di comision di Relacion Exterior di Parlamento kico Reino por haci pa yuda Tiara Air haya su placa cu ta mara na Venezuela. □